

**BOSNA I HERCEGOVINA**  
FEDERACIJA BOSNE I HERCEGOVINE

**TUZLANSKI KANTON**

MINISTARSTVO ZDRAVSTVA



**BOSNIA AND HERZEGOVINA**  
FEDERATION OF BOSNIA AND HERZEGOVINA

**TUZLA CANTON**

MINISTRY OF HEALTH

Broj: 13/1-33-000855-1/22

Tuzla, 18.01.2022.godine

## **SMJERNICE ZA UPUĆIVANJE OSIGURANIH LICA ZAVODA ZDRAVSTVENOG OSIGURANJA TUZLANSKOG KANTONA NA OBAVLJANJE USLUGE MAMOGRAFIJA**

### **I UVODNE NAPOMENE**

Smjernicama za upućivanje osiguranih lica Zavoda zdravstvenog osiguranja Tuzlanskog kantona na obavljanje usluge mamografija (u daljem tekstu: Smjernice) utvrđuju se osnovne smjernice kojih su se obavezne pridržavati zdravstvene ustanove koje imaju zaključen ugovor sa Zavodom zdravstvenog osiguranja Tuzlanskog kantona i izabrani doktor medicine primarne zdravstvene zaštite (u daljem tekstu: izabrani doktor) koji upućuje osigurano lice na obavljanje usluga mamografije, a po posebnim ugovorima/okvirnim sporazumima koje zaključi Zavod zdravstvenog osiguranja Tuzlanskog kantona (u daljem tekstu: Zavod) za pružanje ove usluge.

Navedenu uslugu pružat će ugovorne zdravstvene ustanove koje se zaključile posebne ugovore/okvirne sporazume za indikacije koje su utvrđene ovim Smjernicama.

Prilikom upućivanja osiguranih lica na obavljanje mamografije izabrani doktor mogu uputiti osigurano lice samo u skladu sa indikacijama utvrđenim ovim Smjernicama.

Osigurana lica će pravo na obavljanje mamografije obavljati na osnovu uputnice koju će izdavati izabrani doktor na osnovu Smjernica.

Sastavni dio ovih Smjernica je obrazac uputnice za obavljanje mamografije u zdravstvenim ustanovama koje su zaključile ugovor/okvirni sporazum za pružanje navedenih usluga, a na osnovu ovih Smjernica.

Mamografija koja je medicinski indicirana, a ne uključuju indikacije obuhvaćene ovim Smjernicama pružat će se po osnovu važećeg ugovora o pružanju bolničke zdravstvene zaštite zaključenog između JZU UKC Tuzla i Zavoda.

**Osiguranim licima Zavoda kojima je preporučena navedena usluga mamografija, ali indikacije nisu sadržane u ovim Smjernicama, upućuju se na obavljanje istih izdavanjem standardnih uputnica.**

Nadzor i kontrolu nad upućivanjem osiguranih lica nad obavljanjem usluge mamografija vrši Zavod zdravstvenog osiguranja Tuzlanskog kantona.

Zavod zdravstvenog osiguranja Tuzlanskog kantona je dužan donijeti opšti akt kojim će urediti postupak i proceduru za odobravanje usluga mamografije, način i postupak prijema uputnica,

raspoređivanja osiguranih lica na obavljanje mamografije po ugovornim zdravstvenim ustanovama, nadzor i kontrolu zdravstvenih ustanova.

## **II SMJERNICE ZA USLUGU MAMOGRAFIJA**

Mamografija je rendgenski pregled dojki kojim se otkrivaju tumori i druge promjene uključujući i neke koje su premalene da bi se mogle napipati.

Takođe je važno je da svaka žena, radi samopregled dojki a počevši od svoje četrdesete godine života barem jednom godišnje učini klinički pregled dojki. Klinički pregledi prije četrdesete godine života preporučuju se barem jednom u tri godine, počevši od dvadesete godine, a svakako ako postoji podatak o raku dojke u srodnika po ženskoj liniji.

**Mamografija se u skladu sa ovim Smjernicama izvodi kao:**

- a) Skrining pregled
- b) Dijagnostički pregled

### **I Skrining pregled – mamografija**

**Indikacije:**

Pravo na skrining pregled – mamografije imaju žene koje nisu radile pregled mamografije u posljednje tri godine i to:

- a) Zdrave žene u životnoj dobi od 50 do 69 godina,
- b) Žene u dobi 40 do 50 u sljedećim slučajevima:
  - 1) rane menarhe,
  - 2) kasna menopauza,
  - 3) nerađanje,
  - 4) kasni prvi porođaj,
  - 5) nedojenje i dugotrajno uzimanje oralnih kontraceptiva prije prvog porođaja,
  - 6) nadomjesna hormonska terapija kod žena u postmenopauzi.

Upućivanje na skrining pregled – mamografiju vrši izabrani doktor, a na osnovu indikacija utvrđenih ovim Smjernicama.

### **II Dijagnostička pregled - mamografija:**

**Indikacije:**

Pravo na dijagnostički pregled mamografijom imaju žene i muškarci sa sljedećim indikacijama:

- a) promjene u dojci ili aksilarnoj regiji koje se prvi put verifikuju kliničkim pregledom ili ultrazvukom.

Upućivanje na dijagnostički pregled – mamografiju vrši izabrani doktor, a na osnovu indikacija utvrđenih ovim Smjernicama i nalaza kliničkog pregleda odnosno nalaza ultrazvuka.

### III ZAVRŠNE ODREDBE

Izmjene i dopune Smjernica vršit će se na način i postupku za njihovo donošenje.

Stavlja se van snage Doktrinarni pristup/smjernice za upućivanje na mamografiju i PAPA test broj: 13/1-33-000155/22 od 07.01.2022.godine.

Ove Smjernice stupaju na snagu danom donošenja.

Dostavljeno:  
1x ZZO TK  
1x Evidencija  
1x a/a



dr.med. Božo Jurić

